

Vandalismo haci riba fontein no ta cay bou di Mantbraca

ORANJESTAD - E idea pa haci Caya Grandi bunita ta pa tin diferente atraccion pa turista y local. E proyecto aki a tarda asina hopi, y tur hende ta sperando e dia cu e keda cla pa wak con Caya Grandi a bira. Tin comerciante cu a cera nan porta y otronan cu ainda ta drey cu tur e trabounan andando. Hopi hende ta puntra ki tipo di fontein ta bin y dicon ta tarda hopi pa cuminsa traha riba dje. Pero e compania Mantbraca Corporation Caribbean tin riba nan schedule e yegada di tur material cu falta ainda di e fonteinan, despues nan lo cuminsa instala tur cos, controla cu cada material ta funciona debidamente y por ultimo e bashamento di concreto. E proyecto di Caya Grandi ta uno delicado, pa motibo cu tin hopi factor cu a hunga rol, segun Sr. Xavier Arends, Project Manager di Mantbraca na BON DIA ARUBA.

PLAZA COMERCIO PRACTICAMENTE TA FONTEIN

Segun Sr. Arends na BON DIA ARUBA, practicamente e Plaza Comercio (Plaza Nikki Habibe) ta un fontein. E forma di e fontein aki lo ta di un strea. Na e momentonan aki e trahadonan di Mantbraca no por cuminsa pega e klinkernan pasobra nan por kibra ora cu cuminsa pone e fontein. Pa e motibo aki Mantbraca a opta pa warda e fonteinnan yega pa asina despues pone e klinkernan.

FORMA DI STREA LO WORDO TRAHA CU PIEDRA

Momento cu pone tur e materialnan di fontein na nan luga riba e Plaza, mester basha concreto, segun Sr. Francisco

Gutierrez Director Ejecutivo di Mantbraca. E ta sigui splica, despues di e basha e concreto, nan lo cuminsa cu e trabounan di artesanal, unda cu nan lo ta uzando piedranan chikito pa traha e forma di strea. E piedranan cu lo wordo uza pa e strea aki, cada uno lo wordo corta na diferente tamaño y forma. Sr. Gutierrez ta kere despues

e proyecto keda cla completamente, Mantbraca tin un periodo di garantia di mantencion si surgi un problema cu un di e materialnan. Despues cu e garantia vence, e mantencion lo cay den man di Gobierno.

Segun Sr. Arends, nan a pone extra tubo den e palonan di luz cu por wordo uza pa luznan di Pasco. E tubonan

di haber cu tur e conexion cu a wordo haci pa asina por mira unda tur tubonan ta pasa.

VANDALISMO

Na Aruba hopi hoben gusta haci vandalismo riba edificio of estatuanan, unda cu sea nan ta haci graffiti of daño material. Segun Sr. Arends y Sr. Gutierrez, vandalismo no ta cay bou nan responsabilidad. Loke cu ta cay bou responsabilidad di Mantbraca ta si un klinker sali of sak, of mal instalacion. Vandalismo ta keda na e instancia of compania cu ta esun cu lo keda mantene Caya Grandi.

A TENE CUENTA CU

ACCESIBILIDAD PA PLAYA

Desde cu a cera Caya Grandi, e trafico mester a wordo cera y esaki a trece cun'e hopi pegamento di trafico. Hendenan ta rabia y hasta algun hende a stop di yega Caya Grandi pa motibo cu nan ta bruha pa motibo di tur e camindanan cera. Tur e ceramento a afecta tambe e trabounan pa Mantbraca, pasobra nan mester a tene cuenta cu e trafico, segun Sr. Arends. Door cu e trafico ta bin di parti zuid y bay noord, nan no por a cera henter e caminda di biaha pasobra e acceso pa yega Playa lo a bira uno no accesibel. Esaki a pone cu nan mester a tene cuenta di cua caya ta wordo cera y e orario cu esaki lo wordo haci.

Door di teniendo cuenta riba e accesibel pa Caya Grandi cada biaha tabata tin e cambionan, segun Sr. Arends na BON DIA ARUBA. Cada biaha nan mester a traha riba un parti prome y habri e caminda, pa asina despues cera un otro y traha riba dje. Mantbraca tabata tene cuenta cu automobilistanan pa asina nan por a pasa den Playa. □



cu e Plaza Comercio keda cla, e lo muestra bunita y tur eventonan cu a keda lubida den Caya Grandi lo por wordo realiza ey riba.

PERIODO DI GARANTIA

E instalacionnan di fonteinnan ta pa semper cu lo forma parti di Aruba, segun e Director Ejecutivo. Esaki ta pone cu pueblo mes mester di tin respet pa e fonteinan. Despues cu

bashi aki a wordo poni basa riba futuro ora mester haci uzo di waya di coriente. Solamente waya di coriente mester wordo pasa den e tubonan, y esey ta haci cu no mester bay kita klinker den e Caya Grandi pa por core waya di coriente. Durante e proyecto aki, Mantbraca a traha a base di preparacion pa futuro. Tambe Mantbraca lo entrega Gobierno tur pintura cu tin